

Headline	Terharu sentuh Kaabah		
MediaTitle	Sinar Harian		
Date	14 Sep 2016	Color	Full Color
Section	Nasional	Circulation	279,000
Page No	42	Readership	837,000
Language	Malay	ArticleSize	278 cm <sup>2</sup>
Journalist	N/A	AdValue	RM 4,742
Frequency	Daily	PR Value	RM 14,226



Mohd Arif (kanan) bergambar berlatar belakang Bukit Uhud.

## Terharu dapat sentuh Kaabah

**BAGI** Mohd Arif Azlan, 31, pula, pengalamannya ketika dapat menyentuh Kaabah di tengah jutaan manusia antara kenangan indah yang tidak dapat dilupakannya sepanjang mengerjakan ibadah itu dua tahun lalu.

Mohd Arif yang menunaikan fardu haji bersama isterinya, Rosniyati Nasir, 33, memberitahu, sebaik menunaikan solat, dia tekad menghampiri Kaabah.

"Saya dapat rasakan ALLAH buatkan satu jalan untuk saya hampiri dan pegang kiswah (kain kelambu) pada dinding Kaabah masa seminggu sebelum pulang ke tanah air.

"Lepas tu saya terus ke penjuru Kaabah untuk cium Hajarul Aswad, namun disebabkan jumlah manusia terlalu ramai, hasrat itu tak kesampaian," katanya.

Lembaga Tabung Haji memaklumkan, Mohd Arif dan isterinya terpilih me-

ngerjakan fardu Haji pada Februari 2014 dan kemudiannya berangkat ke Makkah pada 7 September 2014.

"Perasaan masa tu macam tak percaya sebab dalam usia yang masih muda diberikan kesempatan oleh-Nya untuk menjejak kaki ke sana. Perasaan itu tak tergambar dan sukar dilafazkan dengan kata-kata," ujarinya lanjut.

Dia dan isteri yang berada di kota suci umat Islam itu selama 45 hari berkata, sepanjang berada di sana, cuaca di tanah suci panas kering hingga pernah mencecah suhu 45 darjah selcius semasa di Mina.

"Satu pengalaman tak dapat saya lupa, sebaik turun dari bas di Padang Arafah untuk melakukan wukuf, tiba-tiba kawasan itu hujan.

"Hujan dalam masa lima minit itu amat bermakna sebab sepanjang berada di sana, itulah kali pertama saya merasai

nikmat hujan," katanya.

Menurutnya, dia menetapkan niat mengabdikan masa dan tenaga sepanjang berada di sana semata-mata ingin beribadah kepada pencipta meskipun terpaksa berjauhan dengan anaknya, Muhammad Aqmar Raiyan, 5.

"Sampai sana minda pun terus berubah. Saya cekalkan hati dan pasang niat datang ke sini nak beribadah dan lupakan seketika hal dunia," katanya.

Lebih manis, Mohd Arif yang sebelum ini menjadi Guru Penolong Kanan 1 di Kelas Agama dan Fardu Ain (Kafa) Integrasi Puncak Alam 3 memberitahu, semasa mengerjakan haji dia baharu tujuh hari dilantik sebagai Ketua Guru Kafa Darus-Saadah Desa Coalfield.

"Alhamdulillah, rezeki datang tanpa disangka bila dapat surat kenaikan pangkat dan dipindahkan ke sekolah lain," katanya.